

Metta la pps sut squitsch il parlament?

La pps suttametta al parlament in ticket da trais

DA LUCAS DEPLAZES / ANR

■ **La Partida populara svizra (pps) suttametta al parlament in ticket cun trais candidats per las elecziuns dal cussegl federal ils 9 da december 2015, numnadamain: Thomas Aeschi, Guy Parmelin e Norman Gobbi.** La pps saja bain franca da en tuttas trais regiuns linguisticas, perquai haja ella era furmà per mauns dal parlament in ticket che prendia resguard da tuttas regiuns cultural-linguisticas da la Svizra, ha punctuà il president da la fracziun, *Adrian Amstutz*. La nominaziun da *Guy Parmelin* e da *Norman Gobbi* na saja nagin gie e nagina tactica, mabain la voluntad da la partida che saja uss er bain represchentada en la Svizra franzosa ed en la Svizra taliana. Cun dus cussegliers federals fiss quai prudent sche la pps avess er in commember da la Svizra latina, ha punctuà Amstutz davant las medias a Berna.

Il schef da la fracziun ha fatg attent che la pps sco la pli gronda partida politica naziunala haja dretg sin dus sez en il cussegl federal. Gist en in temp uschè burasclus cun ils problems difficultus sco l'immigraziun, las difficultads sin il sector da l'economia ed en vista a l'actuala situaziun da smanatscha saja la pps pronta da surpigliar dapli responsabladad. La pps vul plinavant dapli concurrenza tranter las opiniuns. Amstutz ha fatg attent sin las empermischuns da las partidas da vulair reactivar il princip da la concordanza per las elecziuns en il cussegl federal. Usa saja il mument arrivà da star da pled. Concordanza muntia che las trais pli fermas partidas disponian da mintgamai dus sez e la quarta partida d'in sez en il cussegl federal. Or da quest motiv suttametta ella al parlament ina schelta da trais



Ils candidats da la pps: da san. Thomas Aeschi, Normann Gobbi e Guy Parmelin.

KYSTONE

candidats, nominads da la fracziun en divers scrutinis. Il Vadais Guy Parmelin saja gia sortì en l'emprim scrutini cunter ses concurrent vallesan *Oskar Freysinger*. Per il candidat Tessinais haja quai duvrà dus scrutinis. *Thomas Aeschi* haja cuntanschì en il tschintgavel scrutini 44 vuschs e *Heinz Brand* 37 vuschs. Ils candidats che

n'èn betg sin il ticket da la pps han empermess da refusar ina eventuala elecziun tras l'assemblea federala, ha punctuà Amstutz. Cun questas cundiziuns metta la pps il parlament sut in tschert squitsch.

Las reacziuns da las partidas èn diversas. Ils verds na vegnan betg ad eleger in dals trais nominads. La decisiun vegnan a

dar ina giada dapli las partidas dal center. Bain pussaivel che quella giada procura il nov parlament per ina maioritad burgaisa en il cussegl federal. Alura ha Thomas Aeschi bunas chartas.

Thomas Aeschi è naschì ils 13 da schaner 1979 a Zug sco burgais da Baar. El ha fatg ina carriera academica cun divers se-

giurns en l'exteriur ed ha acquistà il diplom da «Master in Public Administration» a l'Universitad da Harvard. Aeschi fa part dal cussegl naziunal dapi l'onn 2011. El ha gia inoltrà 55 intervenziuns en il cussegl naziunal e giuda il num d'in parlamentari giuven e dinamic cun in bun fildarom tar *Christoph Blocher*.